

Wídókázowin Tagong shesin nóngom ondji Kichi Ogimá Anishinábe Akoziwigamigon Wídókázo Oditinigewin

Pemádizidjig ka ayámowadj madji ijiwebad ayeng Kichi Ogimá Anishinábe Akoziwigamigon ta oditináwá shóniyá wídókázowin

Odáwá, Ontariong | Kenozidj Kízis 27, 2026-- Wídókázowin Tagong ondji Kichi Ogimá Anishinábe Akoziwigamigon Wídókázo Oditinigewin shesin. Pemádizidjig ta mígiweg Wídókázo Eshkwemag ondji oditinigewin ondji kitawenindamowin, madji ikidowin, sǒngizi ashidj/konima gaye widj bimádizi madji todamowin wenzikág apích ka píndigewadj iyo Kichi Ogimá Anishinábe Akoziwigamig apích ka mádjíshkátodj Kichi Ogimá Kánadá.

Iyo tibákonige-ijichigewin Oditinige Wídókázowin kí pimosemagad ayeng Kichi Ogimá Tibákonigewigamigong Odeyimin Kízis 2025. Shóniyá oditinigewin tagon \$10,000 ako \$200,000, apích ánín maya ka madji kodamandjitóy iye madji todamowin ká ayádj.

Iyo Oditinigewin Wídókázowin ká'n ashidinizonon oditinigewin ondji madji mashkíkí ahindiwin konima gaye kego inakág nandokoniní inanokíwin. Awaso kaye káwín ondji Wídókázo Eshkwemagon ondji kodag akoziwigamig ega tagong iye [Pakwe D](#) iyo Oditinige Wídókázowin Nakodamowin.

Mámawo Akoziwigamigon odayánáwá ako Miskomini Kízis 27, 2028 kidji mígiwewadj Wídókázo Eshkwemag ondji oditinigewin.

Kichi Ogimá Akoziwigamigon kí mánedon ká mádjíshkátodj Kichi Ogimá Kánádang anódj igodj 1936 ako 1981. Pemádizidjig ká píndigewadj índaje akoziwigamigon kí ayánáwá kitawenindamowin, madji ikidowin, songadizi, ashidj/konima gaye widj bimádizi madji todamowin.

“Nóngom kichi inenindágwad ondji iyo Oditinige Wídókázowin megá shesin iyo Wídókázowin Tagong ashidj pemádizidjig ta mígiweg Wídókázo Eshkwemag ondji oditinigewin,” ikido Doug Lennox, Tibákonigewininí, Klein Tibákonigewininiwag, LLP ashidj Mámawo Tibákonige anódágan. “Ká'n kego enagindágosinon ondji wídókázowin kidji kikenindamowad pemádizidjig awegonen eteg iyo Oditinige Wídókázowin, ánín maya ke mígiwen Eshkwemag, ashidj ánín maya ke oditiniman mino kitawenindam pimádiziwin ashidj mino pimádizi wídókázowinan.”

Iyo Wídókázo Oditinigewin ashidinigáde kidji ojichigádeg Onakamigisidjigan kidji ganawábandang níj pebikán shóniyán:

- Mino Pimádizi Wídókázó oga dayán \$150,000,000 kidji wídókáng mino pimádiziwin, nókenindamowin, ganawábandang inwewinan, kikinámágoziwin ashidj kesháwádj ijichigewinan.
- Andakíkenindjigewin ashidj Kesháwádj Ijichigewin oga dayán \$235,500,000 kidji wídókang andakíkenindjigewin, kikinámágoziwin ashidj ganawenindang ánikeyádjimowin ono Kichi Ogimá Anishinábe Akoziwigamigon kaye mikamowadj ningwákázowin chígehí inen Akoziwigamigon.

Iyo Oditinige Wídókázowin kaye kida mígiwen kinawe níbina \$150,000,000 owa Anishinábe Wídókáge Kánadá kidji wídókágedj mino pimádiziwin ondji mámawo ákoziwigamigog inakág kidji minoseg iyo Oditinige Wídókázowin.

Awenín tash ke pagidinidj

Eta ogo Nitam Mámawo Awiyeg kida pagidinág ondji pepejig shoniyá oditinigewin ondaje iyo Oditinige Wídókázowin. Nitam Mámawo Awiyeg kida pagidinág kíshpin:

- kí píndigewadj iyo Kichi Ogimá Anishinábe Akoziwigamig ojibíhigádeg ayeng [Pake D](#) apích iye ka mádjíshkátodj owa Kichi Ogimá Kánadá, ashidj
- kí ayámowadj madji ijiwebad, násáb kitawenindamowin, madji ikidowin, songádizi, ashidj/konima gaye widj bimádizi madji todamowin, megwadj abidj índaje.

Konima, iye Kichi Ogimá Anishinábe Akoziwigamig ta ojbíhigáde pikinong inónzowin. Kakina akoziwigamigon, ashidj kodag kego ejinikádeg ashidj endaji tagong, kida mikán ayeng www.IHSettlement.ca.

Nibo tibákonigewinan ondji Nitam Mámawo Awiyeg ká nibodj ishkwá Kenozidj Kízis 25, 2016, konima kida pagidiná kidji mígiwedj Eshkwemag ondaje Nibo Tibákonigewin.

Ningodódeg Mámawo Awiyeg káwín kida pagidinásíg kidji oditinamowadj wídókázowin ondaje Wídókázo Oditinigewin. Kakina Mámawo Awiyeg kida oditinán kego ondaje Onakamigisidjigan ashidj kodagan wídókázowinan.

Wídókázowinan ashidj mino pimádiziwin

Ká'n kego enagindágosinon kikenindamókiwinan ashidj wídókázowin tagon kidji wídókágowadj móshkinatówadj Eshkwemagon wínawa tibinawe.

- Eshkwemag Wídókázodjig taniziwag kidji wídókáwáwadj awiyen kidji nisidotang kedijiwebag ashidj móshkinetodj iye Eshkwemag.
- Iya Eshkwemag Nágánídj kida mínig oshki kikenindamókiwin ondji Eshkwemag, nakwetán kwagwedjimindj ondji Eshkwemag Nanda-gikenindjigan, ashidj ánikobiníg kodagan wídókázowinan, awádj igodj Mámawo Tibákonigewinini.
- Mámawo Tibákonigewin tagon, ká'n kego enagindágosinon, kidji nakwetang inákonigewin inakág iyo Wídókázo Oditinigewin ashidj Eshkwemagon Ijichigenániwang.
- Eshkwemag Kagwedwewadj ta nawanjónigeg kidji odápinawadj tibákonigewininiwan. Wín tibinawe ta nawanjónigeg wadódang, ashidj tibákonigewinini ká'n mámakádj ta mígiwesín iye Wídókázo Eshkwemag ondji oditinigewin. Tibádjimowinan ká'n kego enagindágosinon ashidj tagonon. Kíshpin iya Eshkwemag Kagwedwedj wí odápinádj tibákonigewininiwan ashidj oditinang wídókázowin, iya tibákonigewinini ká wídókázodj ta gagwedwedjimán Kichi Ogimán Kánádáng kidji kíjígogdj.
- Inamandjiwowin ashidj kitawenindamowin wídókázowin tagon apin 24 tibáhigan inakág Apenimo Pimádizi Wídókázowin Madwesidjigan 1-855-242-3310 konima gaye www.HopeForWellness.ca. Wídókázowinan ká'n kego enagindágosinon, kayádjigáde, ashidj tagon Aganeshámowin, Wemitigójímowin, Kinistínómowin, Ojibwemowin, ashidj Inuktitut apích kagwedwen.

Anín kedije mígiwen Wídókázo Eshkwemag

Mámindji wendag ashidj kíjibideg kidji mígiwen Wídókázo Eshkwemag ondaji Eshkwemag Nanda-gikenindjigewin ayeng www.IHSettlement.ca. Pemádizidjig ta oditináwá iye Eshkwemag ijáyan nanda-gikenindjigewining konima gaye eshkwemag madwesidjigen Kikenindamóki Madwesidjigan 1-888-592-9101.

“Pemádizidjig ká'n mámakádj nishike ta todamawisíg iye,” ikido Adam Tanel, Wídókáwágan, Koskie Minsky LLP ashidj Mámawo Tibákonigewinini anódágan. “Kíshpin nandawenindaman kidji nisidotaman kedodaman, máwandoniman kikenindamókiwin, konima gaye ishkwáhíkaman iy Eshkwemag, taniziwag Eshkwemag Wídókázodjig ashidj kodagan wídókázowinan tagonon. Ogo pemádizidjig kinwenj ta odápinánáwá nandawenindámowadj.”

Keyábadj kikinámágozin ashidj nandawábandan wídókázowin

Inábin ayeng www.IHSettlement.ca, mígiwen kidinónzowin ondji nanda-gikenindjige oshki kikenindamókiwinan, konima gaye madwesidjigen ayeng Kikenindamóki Madwesidjigan 1-888-592-9101 (shesin kíjigag wendji 8 kijebugag ako 8 onagoshig ET, ká'n igodj wín anweta kíjigón). Ashidj kida nindáhiwen nanda-gikenindjiganing GeneralInfo@Contact.IHSettlement.ca.

ONDJI KAKINA SASWEYADJIMOWINAN:

Wídókázowin Tagong ondji Kichi Ogimá Anishinábe Akoziwigamigon kí shesin nóngom.

Pangi Ekidomagag | Oditinige Wídókázówin Ejinágwag

Pemádizidjig ká ayámowadj kitawenindamowin, madji ikidowin, sóngizi, konima gaye widj bimádizi madji todamowin wenzikág apích ká píndigewadj iye Kichi Ogimá Anishinábe Akozíwigamig ká mádjíshkátodj Kichi Ogimá Kánadá ájaye ta mígiweg eshkweg ondjí wídókázowin.

Iyo tibákonige ijichige Oditinige Wídókázowin ta mígiwe mitáswe kichi-mitásomidana ako nǐj mitásomidana kichi mitásomidana wábik, áńń maya madji ijiwebad ká ayádj. Eshkwemagon ondjí mashkikí inanokíwin káwín ashidinigádesinón.

Ká'n kego enagindágwag wídókázowin tagon ondjí iyo ijichigewin, mámawi Eshkwemag Wídókázodjig, Mámawo Tibákonigewininiwag, ashidj kitawenindam wídókázowinan.

Awashamenj kikenindamókíwin tagon www.IHSettlement dot C-A, konima gaye madwesidjigen 1-888-592-9101.

-30-

Ondji sasweyádjimowin kagwedwewinan:

Louis Payette, Castlemain

Media-IH@IHSettlement.ca

1-647-295-1075